

Oshike ha shiningwa ngele omutamanekwa ita lan-dula shoka shi li melombwelo lyegameno lyopaveta?

Oshi li epogolo okutaaguluka elombwelo lyegameno lyopaveta. Opolis otayi vulu okukwatapo omutamanekwa.

Oshike hashi ningwapo ngele nakanenyeta okwa taaguluka elombwelo lyegameno lyopaveta?

Ngele owa kwatathana nomutamanekwa, nena omutamanekwa ina pogola nonando melombwelo lyegameno lyopaveta omu na ompango tayi ti inashi ningwa. Ihe dhimbulukwa kutya ompangu oya ningi elombwelo lyegameno lyopaveta molwaashoka ngoye owa li to mono iihuna komehepeko gomomagumbo. Mokushuna komuhepeki otashi vulika u ka mone iihuna yivulithe.

Onda tila okuninga eindilo lyelombwelo lyegameno lyopaveta molwaashoka omuholike gwandje otaka dhengandje.

Ngele oto vulu okumona ehala mpoka to kala u uvite wa gamenwa, oto vulu okuthiga po egumbo lyoye e to ningi eindilo lyelombwelo lyegameno lyopaveta.

Oto vulu okuya kopolisi pethimbo to ningi eindilo lyelombwelo lyegamneo lyopaveta. Oto vulu okutulamo oshipotha e to pula opolisi yi kwatopo omuhepeki. Ngele owa tilithwa komuhepeki manga a zamo modholongo neifutilemo ouna oku lopota kopolisi. Eifutilemo lye otali vulu okukuthwapo.

Onda tila kutya omuholike gwandje otaka dhengandje ngele okwa pewa ombooloha.

Ouna okulombwela opolisi kutya owa tila. Otashi vulika omuhepeki a pewe ombooloha nelombwelo kutya ina kwatathana nangoye. Ngele okwa kwatathana nangoye, ngoye ouna okulombwela opolisi e ta kwatwapo ishewe.

Egeelo lyomuntu ina landula elombwelo lyegameno lyopaveta olini?

Omuholike ota vulu okupewa egeelo lyofuto yithike po N\$8 000 nenge odholongo ya thika sigo opoomvula mbali nenge ayihe. Otashi vulika omuhepeki a pewe ondholongo yomomahuliloshiwie e ta pewa a longe ilonga yomoshigwana pehala lyokukala modholongo ethimbo ele. Shika otashi etitha opo omuhepeki a geelwe manga ta tsikile niilonga ye

Oshike tashi ningwa ngele omuholike okwa fundju e ta ulike kutya elombwelo lyegameno lyopaveta inali landulwa?

Oshimbuluma okufundja opolisi. Omutamanekwa ota vulu okupewa egeelo lyofuto yithike po N\$4 000 nenge a ye mondholongo yithike sigo opomvula yimwe nenge ayihe

Ondasa ohoni oku ninga eindilo lyelombwelo lyopaveta. Kehe gumwe ota ka yolandje.

Okuninga eindilo lyegameno oshinima shopaumwene. Nonande oshipotha oshayi komupanguli natango oshopaumwene. Aanyanyigidhi yomauelele gopau mwene otaa geelwa nokukithwa N\$10 000, nenge ondholongo yomvula yimwe (1). Nenge ayihe oshiita.



Komauelele ga gwedhwa
po mona Engongo
Paufupi Kombinga
yOveta yOkukeela
Omahepekathano
Momagumbo.



Omushangwa nguka ogwa longekidhwa ku Dianne Hubbard, Rachel Coomer na Kate Barth.

Omutiloki okukutha moshiEnglish okutula mOshiwambo:
Immanuel lita

Omuthanekelo ogwa longwa ku
Petra Tegehoff nomaulukilo ku **Nicky Marais**

Pakwatho lyopashimaliwa ko **French Republic**

LEGAL ASSISTANCE CENTRE
P.O. Box 604, Windhoek, Namibia • Tel. 061-223356



Okawilikombo OVETA YOKUKEELA OMAHEPEKATHANO MOMAGUMBO



Gender Research and Advocacy Project
LEGAL ASSISTANCE CENTRE
Windhoek, Namibia, 2008



Omahepekathano gomomagumbo oshike?

Omahepekathano gomomagumbo ogo omahepeko haga ningila ofamili/aanegumbo nenge omuntu ngoka e na ekwatathano lyopaupambale omuhepeki. Na ngele aanona oyo iihakanwa yomahepeko nena ohashi ithanwa "ehepeko lyaanona".

Omakwatathano gopaupambale oshike?

- Ondjokana
- Aantu mboka haya lumbu pamwe
- Omuholikemati nomuholikekadhona
- Aantu yaali mboka vala okanona pamwe
- Aavalii naanona yawo
- Lilo yofamili yina ekwatathano lyontumba lyopaupambale pokati kawo, pashiholelw, hekulu ha futile osikola okatekulukadhona/mati kavalwa kumumwayina

liholelwa yomahepekathano gomomagumbo

1. Ehepeko kolutu, ngaashi okudhenga, okuthanga, okufika.
2. Ehepeko lyopaihulo, ngaashi ekwato onkonga, nenge okuthiminika omuntu aye momilalo.
3. Ehepeko paliko, omwakwatelwa okutindila omuntu iinima nenge iiialiwa mbyoka a pumbwa nenge a tegelela okuyi mona opo a vule okulumba (ngaashi iikulya nenge oondjambi dhawo).
4. Omatalitho, shika okumbandameka omuntu pakulongitha omatalitho nenge omikalo dhafa mpoka.
5. Okudindana/omagandambadhi, shika okwiifola okulandula nenge okupopya nomuntu momukalo ngoka omuntu ina hala okupopiwa naye.
6. Ekaulonyanga, shika osho okuya megumbo nenge ponhele yomuntu kuuna ezimino lyamwene ngele iha mu zi megumbo limwe.
7. Ehepeko lyopamayiuvo nenge pakana ndyoka lyi li eihumbato nomikalo dhoka tadhi ningitha omuntu a kale uurite ageyithwa nayi nokwasithwa ohoni. Shika osha kwtelamo okutukagulwa kehe ethimbo nenge omahumbato gopaukodhi.
8. Okutilitha kutya oto ningi shimwe shomiinima ya tumbulwa.

Li wo omahepekathano gomomagumbo ngele okanona okapitikwaa ka tale oshilyo shimwe shofamili tashi hepekwa palutu, pahulo nenge pakana.



Oshike to vulu okuninga ngele owa tsakaneke omahepeko gomomagumbo?

- (1) Okuninga eindilo lyegameno lyopaveta.
- (2) Patulula oshipotha kopolisi.
- (3) Oto vulu okupula opulisi yi gandje elondodho lyopaveta.

Oto vulu okuya kopolisi eto ningi elo poto e toningi endilo lyegameno lyopaveta pethimbo limwe.

Eindilo lyegameno lyopaveta oshike?

Eindilo lyegameno lyopaveta oly euthoveta lyompangu tali utha kutya omutamanekwa na hulithe po eihumbato lye lyuukolokoshi, na kale kokule naantu mboka ta hepeke, nenge nokuli a thige po egumbo lyofamili/egumbo lyawo.

Eindilo lyegameno lyopaveta oto li ningi njiini?

1. Inda kOmpangu yaMangestrata. Ino pumbwa hahende nOmunambelewa gwOmpangu ote kukwatthele mokuudhitha ofooloma.
2. Oto vulu okufaalela ombangi kehe ndjoka ya mona nenge hayi mono omahepeko nakehe shoka una onga uumbangi, ngaashi omishangwa dhoshipangelo/dhomapango.
3. Mangestrata ota ka tala eindilo lyoye. Ngele opena uumbangi wa gwana elombwelo lyegameno lyopaveta lyopokathimbo otali ningwa. Mangestrata otashi vulika a kale a pumbwa omauyelete ga gwedhwapo manga inaa ninga etokolo.
4. Ngele nakuhepeka okwa pewa elondwelo lyegameno lyopaveta, okuna okutokola ngele ote li taambako nenge ote li pataneke.
5. Ngele omuhepeki ote li pataneke, otapu ka kala iihokolola, haku tiwa omapulakeno, mombelewa ya Mangestrata. iihokolola mbika otayi kala paumwene. Pethimbo lyihokolola kehe gumwe ota ka gandja ombinga yehokololo lye. Mangestrata opo ihe ta ka ninga etokolo kutya ota gandja euthoveta lyelombwelo lyegameno lyopaveta lyahugunina.
6. Ngele omutamanekwa okwa taambulako elombwelo lyegameno lyopaveta, elombwelo lyegameno lyopaveta otali kala lyahugunina na itapu kala iihokolola.
7. Ompangu otayi tumu okopi yelombwelo lyegameno lyopaveta koshitaasi shopolisi shopomudhingoloko.

Uunake to vulu oku ningi eindilo lyelombwelo lyegameno lyopaveta?

Ethimbo kehe. Mangestrata ota vulu okuninga omatokolo kombinaga yomaindilo gomalombwelo gegameno lyopaveta konima yoowili dhiilonga yompangu nosho wo momahuliloshiwe. Ihe, elombwelo lyegameno lyopaveta otali longo owala uuna lya gandja komutamanekwa. Ito futu sha mokuninga eindilo lyelombwelo lyegameno lyopaveta.

Olye ta vulu okuninga eindilo lyelombwelo lyegameno lyopaveta?

- Elombwelo lyegameno lyopaveta otali vulu okuningwa komuntu kehe ngoka ta ningilwa omahepeko gomegumbo.
- Omumuntu ngoka eli kohi yoovmula 21 ota vulu okupulilwako kumukwao elombwelo lyegameno lyopaveta.
- Ngele omuntu okuli kombanda yoovmula 21 ihe okuna uumbanda wokuninga eindilo lyelombwelo lyegameno lyopaveta omuntu gulwe ota vulu okumu ningila pehala lye. Ihe shika oshina okuningwa pamushangwa. okuninga shapo ita vulu okushininga.

Omuntu ngoka a gamenwa kelombwelo lyegameno lyopaveta oye awike tavulu okulopota kopolisi ngele nakutamanekwa okwataaguluka elombwelo ndika.

Elombwelo lyegameno lyopaveta otaliti shike?

Euthoveta lyompangu otali utha omutamanekwa a hulithepo okuninga omahepeko

Kehe elombwelo lyegameno lyopaveta oli ili. Otali vulu okutya:

- Omutamanekwa na gandje iilwitho ayihe kopolisi.
- Omutamanekwa kaa kale mekwatathano nenge kaa hedhe popepi nomuntu ngoka ha hepekwa.
- Omutamanekwa a zemo megumbo lyawo. Euthoveta ndika ohali gandja owala ngele opuna omahepekathano gokolatu. Ompangu ohai vulu okugandja euthoveta ndika kashi na kutya olye mwene gwegumbo.
- Omutamanekwa na fute osapota yaanona yopokathimbo sigo opoomwedhi 6, opo omuntu ngoka a mona iihuna kokuhepekwa a mone ethimbo lyokuninga eindilo lyokupula osapota ndyoka hali ningwa shito.



Otavulu okuninga eindilo lyegameno lyopaveta ope omutamanekwa kaaye mekwatathano naantu yalwe. Oshiholelwa, ngele omunyeneti okwa tila kutya omutamanekwa otaka eehameka omumwayinakadhona gwomunyeneti shika oshina okukwatelwa megameno lyopaveta. Omumwayinakadhona ota vulu wo okushininga yewmene pamushangwa.

Elombwelo lyegameno lyopaveta chali kwata uule wethimbo li thike peni

Elombwelo lyegameno lyopaveta kehe olye yooloka komakwao mwakwatelwa itsa mbika tayi landula.

- Onkalo yo kwaninga ekwatathano otali vulu okukwata omvula ndatu (3)
- Ngele omutamanekwa oye mwene gwegumbo otavulu okupewa elombwelo lyokuzamo megumbo uule womwedhi hamano (6)
- Ngele nakunyeneti oye mwene gwegumbo omumutaneluwa ota vulu okupulwa athige po egumbo, uule wethimbo lya gandj kompangu.